

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH" broj:6/06, 75/06, 44/07, 84/09, 48/10, 18/13, 08/17, 89/17 i 09/18), člana 8. i 21. Zakona o principima lokalne samouprave u Federaciji Bosne i Hercegovine ("Službene novine FBiH" broj:49/06), Gradsko vijeće Grada Bosanska Krupa na prijedlog Gradonačelnika na svojoj _____, redovnoj sjednici održanoj dana_____.2023.godine, donosi:

O D L U K U

o sigurnosti i organizaciji saobraćaja na putevima grada Bosanska Krupa

I-OPĆE ODREDBE

Član 1.

(Predmet Odluke)

Ovom odlukom propisuju se mjere sigurnosti, uslovi i pravila za odvijanje saobraćaja na lokalnim i nerazvrstanim putevima, ulicama i drugim javnim saobraćajnim površinama na području grada Bosanska Krupa.

Član 2.

(Javna saobraćajna površina)

Javnim saobraćajnim površinama u smislu ove Odluke smatraju se: lokalni i nerazvrstani putevi, javne staze, ulice, trgovi, pješačke zone, pješačke staze, javni prolazi, trotoari, javna parkirališta, javne garaže, stajališta i terminali javnog prijevoza putnika, taxi stajališta, mostovi, i druge javne saobraćajne površine.

Član 3.

(Saobraćaj na putevima)

Saobraćaj na javnim putevima dozvoljen je svakom pod jednakim uvjetima u granicama propisanim Zakonom o osnovama sigurnosti saobraćaja na putevima u BiH i ovom Odlukom.

Na javnim saobraćajnim površinama ne smiju se poduzimati radnje ili djelatnosti koje bi mogle nanijeti štetu javnim saobraćajnim površinama ili ugroziti sigurnost i protočnost motornog, pješačkog ili biciklističkog saobraćaja, bez posebnog odobrenja upravitelja odnosno nadležne gradske službe.

II- ORGANIZACIJA I REGULACIJA SAOBRAĆAJA

Član 4.

(Nadležnost)

Služba za komunalne djelatnosti, vode, zaštitu okoliša i inspekcijske poslove (u daljem tekstu: Nadležna gradska služba) u saradnji sa Savjetom za sigurnost saobraćaja prati

saobraćajnu politiku, odobrava, predlaže i provodi mjere za unapređenje saobraćajnog sistema, vrši organizaciju i izmjene režima saobraćaja na javnim putevima i drugim javnim saobraćajnim površinama grada Bosanska Krupa.

Izmjene organizacije saobraćaja u smislu ove Odluke podrazumijevaju:

- promjene saobraćajnih tokova - uvođenje jednosmjernih i dvosmjernih ulica, određivanje prioritetnih pravaca, preusmjeravanje saobraćajnih tokova (teretnih, putničkih, pješačkih, biciklističkih itd.), promjene korištenja voznih traka, izmjena režima brzine odvijanja saobraćaja itd,
- promjene na saobraćajnoj signalizaciji, u skladu sa saobraćajnom projektom,
- promjene u organizaciji ili načinu korištenja parkirališnih prostora,
- druge promjene koje utiču na poboljšanje saobraćajnog sistema na području grada.

Član 5. (Izmjena režima saobraćaja)

Privremenu izmjenu režima saobraćaja ili privremeno ograničenje saobraćaja na javnim saobraćajnim površinama koje su u nadležnosti grada Bosanska Krupa, odobrava nadležna gradska služba posebnim odobrenjem o čemu je dužna obavijestiti Policijsku stanicu Bosanska Krupa i javnost upoznati putem sredstava javnog informisanja.

Član 6. (Tehnička regulacija saobraćaja)

Tehničku regulaciju saobraćaja na javnim saobraćajnim površinama na području grada Bosanska Krupa vrše pravna ili fizička lica koja su registrovana za obavljanje tih poslova, kojima se povjeravaju poslovi tehničke regulacije putem ugovora.

Tehničkom regulacijom saobraćaja u smislu ove Odluke smatra se postavljanje, uklanjanje, zamjena i održavanje saobraćajne signalizacije (horizontalne, vertikalne i svjetlosne) i opreme na javnim saobraćajnim površinama.

Tehnička regulacija horizontalne, vertikalne i svjetlosne saobraćajne signalizacije vrši se na osnovu Projekta saobraćajne signalizacije.

Član 7. (Postavljanje znakova informacija, reklamnih panoa i natpisa)

Osim propisanih saobraćajnih znakova na putevima u nadležnosti Grada Bosanska Krupa, dozvoljeno je postavljanje znakova informacija, reklamnih panoa i natpisa, u skladu sa Zakonom o osnovama sigurnosti saobraćaja na putevima u BiH i gradskom Odlukom o komunalnom redu.

Postavljanje znakova informacija, reklamnih panoa i natpisa odobrava nadležna gradska služba.

Za postavljanje znakova informacija, reklamnih panoa i natpisa na putevima kojim upravlja Grad Bosanska Krupa, plaća se naknada koja se utvrđuje posebnim aktom kojeg donosi Gradonačelnik.

Član 8. (Vođenje evidencije o saobraćajnoj signalizaciji)

Nadležna gradska služba dužna je voditi i čuvati evidenciju o saobraćajnoj signalizaciji na putevima u nadležnosti Grada.

Obaveze iz prethodnog stava mogu se povjeriti ugovorom pravnom ili fizičkom licu koje ugrađuje i održava saobraćajnu signalizaciju.

Član 9. (Praćenje stanja sigurnosti u saobraćaju)

Policajska uprava Bosanska Krupa prati stanje sigurnosti u saobraćaju na području grada Bosanska Krupa poduzima mjere u cilju što sigurnijeg odvijanja saobraćaja, te najmanje dva puta godišnje dostavlja podatke nadležnoj gradskoj službi koja upravlja putevima koji su u nadležnosti Grada i Savjetu za sigurnost saobraćaja o vrstama, mjestu i vremenu dešavanja saobraćajnih nezgoda.

III- PRVENSTVO PROLAZA

Član 10. (Ulice sa prvenstvom prolaza)

Prvenstvo prolaza vozila određuje se na putevima i ulicama koje predstavljaju osnovu saobraćajne mreže.

Puteve i ulice sa prvenstvom prolaza vozila utvrđuje Savjet za sigurnost saobraćaja grada Bosanska Krupa zajedno sa nadležnom gradskom službom.

IV. OGRANIČENJA I ZABRANE

Član 11. (Ograničenje brzine kretanja vozila)

Na putu, u naseljima grada Bosanska Krupa, vozač ne smije vozilom da se kreće brzinom većom od 50 km/h, osim ako saobraćajnim znakom nije drugačije određeno.

Početak i završetak naselja, kao i ograničenje brzine kretanja vozila moraju se obilježiti odgovarajućim propisanim saobraćajnim znacima.

Nadležna gradska služba, u saradnji sa Savjetom za sigurnost saobraćaja, može saobraćajnim znakom dozvoliti kretanje vozila i brzinom većom od 50 km/h na

putevima u naseljenim mjestima grada Bosanska Krupa, čiji saobraćajno-tehnički elementi to dozvoljavaju.

Član 12. **(Zabrana kretanja vozila u jednom smjeru)**

Zabranjuje se kretanja vozila u jednom smjeru i to:

- dio ulice Patriotske lige, iz pravca od križanja sa ulicom Hatidže Mustedanagić do raskršća sa ulicom Stari grad,
- Ulicom Maršala Tita, iz pravca od križanja sa Trgom Reis Ul.Uleme Džemaludina Čauševića i I Bkb, do spoja sa ulicom Patriotske lige,
- Ulica Sokak, iz pravca zapad – istok, od spoja sa posljednjom poprečnom ulicom koja vodi do ulice Aleja zlatnih ljiljana do spoja sa magistralnim putem M-14 Bihać –Bosanski Novi,
- Ulica Mirsada Crnkića, iz pravca križanja sa ulicom V Korpusa, do ulice koja se odvaja za Lamele,
- Ulica Generala Izeta Nanića, iz pravca križanja sa ulicom Patriotske lige do raskrća sa ulicom 505 Vbbr,
- Ulica Stari grad, iz pravca križanja sa ulicom Patriotske lige prema raskrću sa ulicom Trg Alijezetbegovića,
- Ulica Hatidže Mustedanagić, iz pravca križanja sa ulicom Pazadžik, prema raskrću sa ulicom Patriotske lige,
- Ulica Šehidska, iz pravca križanja sa ulicom 511.Sl.bbr. da raskršća sa ulicom Generala Izeta Nanića.

Izuzetno u ulicama iz prethodnog stava mogu se kretati vozila hitne pomoći, vatrogasna vozila, vozila MUP-a i vozila oružanih snaga BiH i to kada posebnim uređajima daju svjetlosne i zvučne znakove pri izvršavanju službenih zadataka, te druga motorna vozila za koja je prethodno pribavljeno odobrenje nadležne gradske službe (vozila komunalnih preduzeća pri obavljanju redovnih poslova komunalnog održavanja, vozila za prijevoz posmrtnih ostataka kada prevoze posmrtnu ostatku, vozila dok prevoze osobe sa oštećenim donjim ekstremitetima i koje se ne mogu kretati bez upotrebe vozila i sl.).

Član 13. **(Zabrana zaustavljanja i parkiranja teretnih motornih vozila)**

U užem gradskom području zabranjuje se zaustavljanje i parkiranje svim teretnim motornim vozilima bez posebnog odobrenja koje izdaje nadležna gradska služba.

Zabrana iz stava 1. ovog člana ne odnosi se na vozila hitne pomoći, vatrogasna vozila, vozila MUP-a, vozila oružanih snaga BiH i teretna vozila javnih preduzeća čiji je osnivač Grad Bosanska Krupa.

Postupak izdavanja i visina naknade za davanje odobrenja iz stava 1. ovog člana propisat će Gradonačelnik posebnim pravilnikom.

Uže gradsko područje u smislu ove Odluke čine sljedeće ulice: Šehidska, Generala Izeta Nanića, Trg Alije Izetbegovića, Patriotske lige, Trg Avde Ćuka, Sokak, Vahide Maglajlić,

Mirsada Crnkića i Maršala Tita.

Nadležna gradska služba u saradnji sa Savjetom za sigurnost saobraćaja može poduzeti određene mjere u pojedinim ulicama, i to:

- privremeno ili trajno zabraniti kretanja pojedinih kategorija vozila,
- privremeno ili trajno ograničiti kretanje teretnih motornih vozila preko najveće dopuštene mase.

Član 14.

(Zabrana prometa autobusa i teretnih vozila)

Zabranjuje se promet autobusa i teretnih vozila u ulicama:

- Šehidskoj,
- Generala Izeta Nanića,
- Patriotske lige,
- Rasima Redžića,
- Maršala Tita
- kroz naselje Ivanjska (zabrana se ne odnosi na promet autobusa)

Član 15.

(Zabrana zadržavanja vozila koja prevoze opasne materije)

Vozila koja prevoze opasne materije ne smiju se zadržavati na području grada Bosanska Krupa, osim na mjestima koja su drugim propisima utvrđena (benzinske pumpe, naftni terminali, registrovana skladišta itd.).

Član 16.

(Zabrana kretanja zaprežnim vozilima i gonjenje stoke)

U užem gradskom području nije dozvoljeno kretanje zaprežnim vozilima, kao i gonjenje stoke u krdu, stadu ili pojedinačno, te jahanje konja.

Iznimno, nadležna gradska služba, za turističke, kulturne i slične namjene, može odobriti kretanje kočija, zaprežnih vozila i jahanje konja na ulicama iz stava 2. ovog člana, ukoliko to ne ometa normalno odvijanje saobraćaja.

V-ZAUSTAVLJANJE I PARKIRANJE

Član 17.

(Zaustavljanja i parkiranja)

Zaustavljanje i parkiranje vrši se na način i u skladu sa uslovima određenim Zakonom o osnovama sigurnosti saobraćaja na putevima u BiH i posebnom Odlukom kojim će se regulisati pitanje javnih parkirališta na području grada Bosanska Krupa.

Član 18.

(Zabrana zaustavljanja i parkiranja bez saobraćajnog znaka)

Vozač ne smije da zaustavi ili parkira vozilo na mjestu na kojem bi ono ugrožavalo sigurnost drugih učesnika u saobraćaju ili predstavljalo smetnju za normalno odvijanje saobraćaja ili kretanje pješaka.

Zabranjeno je zaustavljanje i parkiranje na kolovozu svih dvosmjernih puteva i ulica, ukoliko saobraćajnim znakom ili oznakom na kolovozu nije drugačije određeno.

Na kolovozu jednosmjernih puteva i ulica dopušteno je zaustavljanje i parkiranje uz desnu ili lijevu ivicu kolovoza uz uslov da širina slobodnog prolaza od zaustavljenog ili parkiranog vozila do suprotne ivice kolovoza ili do neke prepreke na kolovozu ne smije biti manja od tri metra.

Član 19.

(Slučajevi u kojima je Zakonom zabranjeno zaustavljanje i parkiranje)

Vozač ne smije da zaustavi ili parkira vozilo naročito:

- na obilježenom pješačkom prijelazu i na razdaljini manjoj od pet metara od tog prijelaza, kao i na prijelazu biciklističke staze preko kolovoza;
- na prijelazu puta preko željezničke;
- na željezničkim ili u blizini tih pruga ako se time sprečava ili ometa saobraćaj vozila koja se kreću po šinama;
- na raskrsnici i na razdaljini manjoj od pet metara od najbliže ivice poprečnog kolovoza;
- u tunelima, na mostovima, u podvožnjacima i na nadvožnjacima, kao i na dijelovima puta ispod mostova i nadvožnjaka i na razdaljini manjoj od 15 m od tih objekata;
- na dijelu puta u blizini vrha prijevoja i u krivini gdje je preglednost puta nedovoljna i gdje se obilaženje vozila ne bi moglo izvršiti bez opasnosti;
- na dijelu puta na kojem bi širina slobodnog prolaza od zaustavljenog ili parkiranog vozila do neisprekidane uzdužne linije na kolovozu, ili do suprotne ivice kolovoza, ili do neke prepreke na putu bila manja od tri metra;
- na mjestu na kojem bi vozilo zaklanjalo postavljene saobraćajni znak ili uređaj za davanje svjetlosnih saobraćajnih znakova;
- na biciklističkoj stazi, odnosno traci;
- na dijelu kolovoza koji je kao stajalište za vozila javnog saobraćaja obilježen saobraćajnim znakom i oznakama na kolovozu;
- na svim uređenim zelenim površinama, parkovima i sl.;
- na mjestu koje je označeno kao parking-prostor za lica sa invaliditetom ako vozilo nije obilježeno znakom iz člana 29. st. (2) i (3) ovog zakona;
- na trotoaru, odnosno na pješačkoj stazi, ako to nije izričito regulisano saobraćajnim znakom, a ako je parkiranje dozvoljeno, mora se ostaviti najmanje 1,6 m širine na površini za kretanje pješaka, s tim da ta površina ne može biti uz ivicu kolovoza.

Osim u slučajevima iz stava 1. ovog člana, vozač ne smije da parkira vozilo naročito na:

- dijelu puta ispred prelaza puta preko željezničke u istom nivou, i to na razdaljini manjoj od 15 m od tih prelaza;
- razdaljini manjoj od 15 m ispred i iza znaka kojim je obilježeno stajalište za vozila javnog

- saobraćaja;
- prolazima i ulazima škola, ustanova, preduzeća, stambenih zgrada i drugih objekata i iznad priključka na vodovodnu mrežu i ulaza u kanalizacionu ili drugu mrežu komunalnih organizacija;
 - mjestu na kome bi parkirano vozilo onemogućilo pristup drugom vozilu radi parkiranja ili izlazak nekom već parkiranom vozilu;
 - na kolovozu sa dvije saobraćajne trake gdje se saobraćaj odvija u oba smjera.

Član 20.

(Slučajevi u kojima je zabranjeno zaustavljanje i parkiranje, a nisu Zakonom propisani)

Pored slučajeva predviđenih u Zakonu o osnovama sigurnosti saobraćaja na putevima u BiH, zabranjeno je zaustavljanje i parkiranje vozila i u slijedećim slučajevima:

- ispred ulaza u individualne i kolektivne stambene objekte kao i podrumске prostorije,
- na javnim saobraćajnim površinama u stambenim blokovima, kada je širina slobodnog prolaza manja od tri metra,
- ispred ulaza u javne i privatne garaže,
- na ulazima u trafo stanice, kao i na vodovodnim, PTT, kanalizacionim i drugim šahtovima,
- na prostorima predviđenim za prikupljanje i odvoz smeća.

Član 21.

(Zabrana parkiranja za autobuse, teretna vozila, kamp prikolice i sl.)

U užem gradskom području, zabranjeno je parkiranje autobusa, teretnih motornih i priključnih vozila, radnih mašina, kamp prikolica.

Član 22.

(Čišćenje snijega)

Za vrijeme razgrtanja i uklanjanja snijega sa puteva i ulica namijenjenih za saobraćaja nije dozvoljeno zaustavljanje i parkiranje vozila na određenim površinama javnog saobraćaja gdje se vrši čišćenje i uklanjanje snijega.

Privredno društvo kojem je povjerena djelatnost razgrtanja i uklanjanja snijega sa javnih puteva i ulica dužno je, prije početka razgrtanja i uklanjanja snijega, postaviti znak zabrane zaustavljanja i parkiranja na dionici javnog puta ili ulice koja je predviđena za razgrtanje i uklanjanje snijega odnosno ostaviti pismenu obavijest na parkiranom vozilu.

Vlasnici, odnosno korisnici vozila, dužni su da uklone svoja vozila u roku od tri sata po postavljanju znaka, odnosno postavljanju obavijesti na parkiranom vozilu.

Ako vlasnik, odnosno korisnik vozila, ne postupi u skladu sa stavom 3. ovog člana

ovlašteno pravno lice izvršit će premještanje vozila na teret vlasnika, odnosno korisnika vozila.

Član 23.
(Zabrana parkiranja dotrajalih havarisanih i neregistrovanih vozila)

Na javnim putevima, ulicama, javnim parkiralištima kao i na posebno uređenim javnim saobraćajnim površinama namijenjenim za kretanje pješaka, trotoarima, ne smiju se ostavljati vozila koja se ne upotrebljavaju u saobraćaju zbog dotrajalosti (havarisana vozila, neregistrovana vozila i sl.).

Kada se utvrdi da je vozilo iz stava 1. ovog člana ostavljeno, Policijska stanica Bosanska Krupa izdat će vlasniku, odnosno korisniku vozila pismenu naredbu da vozilo ukloni u roku od tri dana od dana prijema naredbe.

Ako vlasnik, odnosno korisnik vozila ne postupi u skladu sa stavom 2. ovog člana, ovlašteno pravno lice izvršit će premiještanje vozila o trošku vlasnika, odnosno korisnika vozila.

VI- OBUČAVANJE KANDIDATA ZA VOZAČE MOTORNIH VOZILA

Član 24.
(Početna obuka kandidata)

Početna obuka, odnosno prva četiri časa praktične obuke kandidata za vozače motornih vozila, vrši se u ulicama koje će biti određene od strane Savjet za sigurnost saobraćaja, a u skladu sa Pravilnikom o osposobljavanju za vozača motornih vozila.

Član 25.
(Lokacije i termini u kojima se ne mije vršiti obuka)

Na magistralnom putu M-14, u dijelu kojim prolaze područjem grada Bosanska Krupa, zabranjeno je vršiti praktičnu obuku kandidata za vozače motornih vozila radnim danima u periodu od 06,00 do 08,00 sati i od 15,00 do 17,00 sati.

VII. POSEBNE MJERE SIGURNOSTI

Član 26.
(Prodaja i izlaganje vozila)

Zabranjeno je vršiti prodaju ili izlagati vozila za prodaju na ulicama, trgovima, trotoarima, javnim parkinzima ili drugim površinama koje su određene za saobraćaj vozila ili kretanje pješaka.

Prodaja i izlaganje vozila može se vršiti samo na mjestu određenom za tu svrhu.

Član 27.
(Pranje i popravka vozila)

Na javnim saobraćajnim površinama zabranjeno je prati i popravljati vozila.

Izuzetno, na licu mjesta se mogu vršiti nužne opravke na vozilu nastale u toku vožnje, samo ako se kvar na drugi način ne može otkloniti, pod uvjetom da se time ne ometa uredno i bezbjedno odvijanje saobraćaja uz obavezu isticanja odgovarajuće saobraćajne signalizacije.

Član 28.
(Obaveza označavanja opasnog ili oštećenog dijela kolovoza ili trotoara)

Ako se dio kolovoza ili trotoara ne može koristiti za saobraćaj vozila ili kretanje pješaka zbog privremene opasnosti (odronjavanje sa zgrade, skidanje snijega sa zgrade, radovi na zgradi, postavljanje građevinskih skela ili sl.) izvođač radova dužan je postaviti odgovarajuće saobraćajne znakove na oba kraja tog prostora.

Član 29.
(Zaštitne ograde)

Dvorišta škola i ustanova za predškolski odgoj moraju biti ograđena zaštitnom ogradom, ukoliko se nalaze pored puteva i ulica na kojima se odvija javni saobraćaj.

Član 30.
(Obnavljanje horizontalne saobraćajne signalizacije)

Horizontalna saobraćajna signalizacija na saobraćajnicama, autobusnim i taksi stajalištima moraju se obnavljati najmanje dva puta godišnje.

Horizontalna saobraćajna signalizacija se iscrtava na osnovu saobraćajnog projekta.

Član 31.
(Postavljanje, znavljanje i održavanje vertikalne saobraćajne signalizacije i opreme puta)

Vertikalna saobraćajna signalizacija i oprema na javnim saobraćajnim površinama postavlja se na osnovu saobraćajnog projekta.

Za postavljanje, održavanje i znavljanje dotrajale i oštećene verikalne saobraćajne signalizacije i opreme puta na javnim saobraćajnim površinama zadužena je nadležna gradska služba.

Član 32.
(Održavanje i kontrola stanja saobraćajne signalizacije i opreme puta)

O održavanju i kontroli stanja vertikalne i horizontalne saobraćajne signalizacije i druge opreme za regulisanje saobraćaja stara se nadležna gradska služba, komunalna

inspekcija i Policijska stanica Bosanska Krupa, svako iz svoje nadležnosti.

VIII- ZAŠTITA JAVNIH SAOBRAĆAJNIH POVRŠINA

Član 33.

(Zabrana postavljanja predmeta kojima se ometa odvijanje saobraćaja)

Zabranjeno je bez odobrenja nadležne gradske službe na javnim saobraćajnim površinama ostavljati, postavljati, ugrađivati i sl. predmete i materijale, ili izvoditi radove kojim se ometa odvijanje saobraćaja.

Član 34.

(Zabrana postavljanja, uklanjanja i oštećivanja saobraćajnih znakova i putne opreme)

Zabranjeno je neovlašteno postavljanje, uklanjanje i oštećivanje saobraćajnih znakova i opreme puta ili vršenje izmjene značenja saobraćajnih znakova.

Član 35.

(Nadoknada nanesene štete)

Lice koje je nanijelo štetu iz člana 33. i 34. ove Odluke, dužno je nadoknaditi štetu prema cjenovniku ili ponudi izvođača radova odmah, a najkasnije u roku od 8 dana od dana nastanka štete, prema zaključku nadležne gradske službe ili inspekcije, a ukoliko je pokrenut sudski postupak utvrđivanja krivice, 8 dana od dana pravosnažnosti sudske presude.

IX- POSEBNA TIJELA ZA SIGURNOST I UNAPREĐENJE SAOBRAĆAJA

Član 36.

(Savjet za sigurnost saobraćaja)

Radi organizovanja i unapređenja sigurnosti saobraćaja na području grada Bosanska Krupa, provođenja saobraćajno-preventivnih aktivnosti i ostvarivanja koordinacije svih organa i organizacija koji bave se pitanjima saobraćaja, obrazuje se Savjet za sigurnost saobraćaja.

Predsjednika, sekretara i članove Savjeta za sigurnost saobraćaja imenuje i razrješava Gradonačelnik, a formira se iz reda stručnjaka za oblast putnog saobraćaja, te predstavnika državnih organa i organizacija od značaja za sigurnost saobraćaja.

Savjet za sigurnost saobraćaja broji 5 članova.

Član 37.
(Zadaci Savjeta za sigurnost saobraćaja)

Zadaci Savjeta za sigurnost saobraćaja:

- razmatra pitanja i daje prijedloge za dugoročnije rješavanje sigurnosti saobraćaja na području grad Bosanska Krupa,
- brine se o unapređenju saobraćajnog odgoja i osposobljavanju mladih za učestvovanje u saobraćaju,
- radi na unapređenju propagandnog i informativnog djelovanja prema učesnicima u saobraćaju,
- radi na provođenju i koordinaciji preventivnih aktivnosti na putevima,
- ostvaruje saradnju i koordinaciju sa tijelima i organizacijama koje djeluju u oblasti saobraćaja,
- razmatra i daje mišljenja na nacрте zakona i drugih propisa kojima se utvrđuju pitanja od značaja za unapređenje i sigurnosti saobraćaja,
- daje mišljenja na prijedloge za tehničko uređenje saobraćajnica i saobraćajne signalizacije,
- predlaže konkretne mjere za regulisanje saobraćaja u naseljenim mjestima,
- predlaže tehnička rješenja za određivanje i uređenje parkirališta za određene vrste vozila, autobuskih stajališta i terminala,
- obavlja i druge poslove koji su od interesa za sigurnost saobraćaja.

X-NADZOR

Član 38.
(Nadzor nad provođenjem Odluke)

Nadzor nad provođenjem ove Odluke obavlja Policijska stanica Bosanska Krupa, te nadležna služba, svako u okviru svojih nadležnosti.

Član 39.
(Prava i dužnosti nadležne službe)

Nadležna služba ima pravo i dužnosti da:

- naredi otklanjanje nedostataka koji su u suprotnosti sa ovom Odlukom.
- obustavi ili zabrani radove ili radnje koje su u suprotnosti sa ovom Odlukom.
- naredi ili odobri da se poduzmu radnje ili radovi zbog dovođenja u prvobitno ili ispravno stanje.
- poduzme ostale mjere i radnje u cilju provođenja ove Odluke i drugih propisa iz ove oblasti.
- prati provođenje donešenih mjera.

Član 40.

(Otklanjanje nedostataka ili poduzimanje određene radnje)

U slučaju kad je ugrožena sigurnost saobraćaja, te životi i zdravlje ljudi, nadležna služba može narediti otklanjanje nedostataka ili poduzimanje određene radnje ili radova i zapisnikom, s tim što je obavezan donijeti rješenje u roku od tri dana od dana uručivanja zapisnika.

Rok izvršenja teče od dana predaje zapisnika.

Žalba na rješenje nadležne službe ne odlaže izvršenje rješenja.

Na zahtjev nadležne službe, Policijska stanica Bosanska Krupa je dužna pružiti asistenciju policije.

XI- KAZNENE ODREDBE

Član 41.

(Visina kazne za pravna lica)

Novčanom kaznom u iznosu od 500 KM do 5.000 KM kaznit će se preduzeće ili drugo pravno lice za prekršaje:

1. ako izmjeni režim saobraćaja bez odobrenja (član 5.),
2. ako postavi znakove informacija, reklamnih panoa i natpisa bez odobrenja (član 7.)
3. ako se kreće vozilom u ulicama gdje je to zabranjeno (član 12. i 14.),
4. ako se kreće teretno vozilo u ulicama u kojima je uvedena zabrana saobraćaja bez dozvole od nadležne općinske službe (član 13.)
5. ako ostavi vozilo protivno odredbama člana 23. ove Odluke,
6. ako naredi ili dozvoli obučavanje kandidata za vozače motornih vozila protivno odredbama člana 25. ove Odluke,
7. ako vrši prodaju i izlaganje vozila protivno odredbama člana 26. ove Odluke,
8. ako vrši pranje i popravke vozila protivno odredbama člana 27. ove Odluke
9. ako ne postavi saobraćajnu signalizaciju za slučajeve iz člana 28. ove Odluke,
10. ako bez odobrenja nadležne gradske službe na javnim saobraćajnim površinama ostavlja, postavlja, ugrađuje i sl. predmete ili materijale, ili izvodi radove kojim se ometa odvijanje saobraćaja, što je suprotno članu 33. ove Odluke,
11. ako neovlašteno postavlja, uklanja i oštećuje saobraćajne znakove i opremu puta ili mijenja značenje saobraćajnih znakova (član 34.),
12. ako ne postupi po aktu, nalogu, zapisniku, rješenju ili zaključku nadležnog inspektora iz člana 39. i 40. ove Odluke.

Za prekršaje iz prethodnog stava kaznit će se novčanom kaznom od 100 KM do 300 KM i odgovorno lice u preduzeću ili drugom pravnom licu.

Član 42.

(Visina kazne za lica koja obavljaju samostalnu djelatnost)

Novčanom kaznom od 300 KM do 900 KM kaznit će se lice koje samostalno obavlja djelatnost:

1. ako izmjeni režim saobraćaja bez odobrenja (član 5.),
2. ako postavi znakove informacija, reklamnih panoa i natpisa bez odobrenja (član 7.)
3. ako se kreće vozilom u ulicama gdje je to zabranjeno (član 12. i 14.),
4. ako se kreće teretno vozilo u ulicama u kojima je uvedena zabrana saobraćaja bez dozvole od nadležne općinske službe (član 13.),
5. ako ostavi vozilo protivno odredbama člana 23. ove Odluke,
6. ako naredi ili dozvoli obučavanje kandidata za vozače motornih vozila protivno odredbama člana 25. ove Odluke,
7. ako vrši prodaju i izlaganje vozila protivno odredbama člana 26. ove Odluke,
8. ako vrši pranje i popravke vozila protivno odredbama člana 27. ove Odluke
9. ako ne postavi saobraćajnu signalizaciju za slučajeve iz člana 28. ove Odluke,
10. ako bez odobrenja nadležne gradske službe na javnim saobraćajnim površinama ostavlja, postavlja, ugrađuje i sl. predmete ili materijale, ili izvodi radove kojim se ometa odvijanje saobraćaja, što je suprotno članu 33. ove Odluke,
11. ako neovlašteno postavlja, uklanja i oštećuje saobraćajne znakove i opremu puta ili mijenja značenje saobraćajnih znakova (član 34.),
12. ako ne postupi po aktu, nalogu, zapisniku, rješenju ili zaključku nadležnog inspektora iz člana 39. i 40 ove Odluke.

Član 43.

(Visina kazne za fizička lica)

Novčanom kaznom od 100 KM do 300 KM kaznit će se fizičko lice:

1. ako izmjeni režim saobraćaja bez odobrenja (član 5.),
2. ako postavi znakove informacija, reklamnih panoa i natpisa bez odobrenja (član 7.)
3. ako goni stoku ili jaše konja protivno odredbama člana 16. ove Odluke,
4. ako vrši prodaju i izlaganje vozila protivno odredbama člana 26. ove Odluke,
5. ako vrši pranje i popravke vozila protivno odredbama člana 27. ove Odluke
6. ako ne postavi saobraćajnu signalizaciju za slučajeve iz člana 28. ove Odluke,
7. ako bez odobrenja nadležne gradske službe na javnim saobraćajnim površinama ostavlja, postavlja, ugrađuje i sl. predmete ili materijale, ili izvodi radove kojim se ometa odvijanje saobraćaja, što je suprotno članu 33. ove Odluke,
8. ako neovlašteno postavlja, uklanja i oštećuje saobraćajne znakove i opremu puta ili mijenja značenje saobraćajnih znakova (član 34.),
9. ako ne postupi po aktu, nalogu, zapisniku, rješenju ili zaključku nadležnog inspektora iz člana 39. i 40 ove Odluke.

Član 44.

(Visina kazne za vozače)

Novčanom kaznom od 50 KM do 250 KM kaznit će se vozač:

1. ako se kreće vozilom u ulicama gdje je to zabranjeno (član 12. i 14.),
2. ako se kreće teretnim vozilo u ulicama u kojima je uvedena zabrana saobraćaja bez dozvole od nadležne općinske službe (član 13.),
3. ako ne postupi u skladu sa odredbama člana 15. ove Odluke,
4. ako upravlja zaprežnim vozilom protivno članu 16. ove Odluke,
5. ako zaustavi ili parkira vozilo protivno članu 18., 19. i 20. ove Odluke,

6. ako postupi protivno članu 21. ove Odluke,
7. ako vozač-instruktor vrši obuku kandidata u upravljanju motornim vozilom gdje i kada je to zabranjeno (član 25.)
8. ako ne postupi po aktu, nalogu, zapisniku, rješenju ili zaključku nadležnog inspektora iz člana 39. i 40 ove Odluke.

Član 45.

(Finansiranje preventivnih aktivnosti)

Novčane kazne naplaćene po ovoj Odluci prihod su Grada Bosanska Krupa, a koriste se za finansiranje preventivnih aktivnosti u putnom saobraćaju (informativno – propagandna djelatnost, unapređenje saobraćajno – tehničke kulture, nabavke i postavljanje saobraćajnih znakova, sanacija ulica i drugih aktivnosti koje se odnose na unapređenje sigurnosti saobraćaja, te troškove rada Savjeta za sigurnost saobraćaja).

XII- PRIJELAZNE I ZAVRŠNE ODREDBE

Član 46.

(Prestanak važenja Odluke)

Stupanjem na snagu ove Odluke prestaje da važi Odluka o regulaciji cestovnog saobraćaja na području općine Bosanska Krupa ("Službeni glasnik općine Bosanska Krupa", broj: 8/12, 2/14, 2/16, 11/17 i 7/21).

Član 47.

(Stupanje na snagu)

Ova Odluka stupa na snagu danom objavljivanja u "Službenom glasniku Grada Bosanska Krupa".

PREDSJEDAVAJUĆI GRADSKOG VIJEĆA
Alen Lipovača

O B R A Z L O Ź E N J E

PRAVNI OSNOV:

Pravni osnov za donošenje Odluku o sigurnosti i organizaciji saobraćaja na putevima grada Bosanska Krupa je Zakon o osnovama sigurnosti saobraćaja na putevima u Bosni i Hercegovini ("Službeni glasnik BiH", broj: 06/06, 75/06, 44/07, 84/09, 48/10, 18/13, 08/17, 89/17 i 09/18), tačnije član 2. pomenutog Zakona u kojem stoji da će organi Bosne i Hercegovine, entitetski i kantonalni organi i organi Brčko Distrikta i organi lokalne samouprave i lokalne uprave u gradovima i opštinama obezbijediti sprovođenje ovog zakona i u okviru svojih nadležnosti donjeti propise i preduzeti druge potrebne mjere za njegovo dosljedno provođenje. Takođe, članom 8. Zakona o principima lokalne samouprave u Federaciji Bosne i Hercegovine ("Službene novine FBiH" broj: 49/06) određeno je da u posebne nadležnosti jedinica lokalne samouprave spadaju, između ostalog lokalni putevi i javna parkirališta.

RAZLOZI DONOŠENJA:

Uzimajući u obzir činjenicu da je Zakon o osnovama sigurnosti saobraćaja na putevima u Bosni i Hercegovini krovni zakon, te da on propisuje samo osnove sigurnosti saobraćaja, ukazala se potreba za donošenjem jednog akta kojim bi se preciznije propisale mjere sigurnosti te uslovi i pravila za odvijanje saobraćaja na javnim saobraćajnim površinama koje su u nadležnosti Grada Bosanska Krupa, a sa druge strane kako su se promjenile okolnosti kada je donesen trenutni propis Odluka o regulaciji cestovnog saobraćaja na području općine Bosanska Krupa ("Službeni glasnik općine Bosanska Krupa", broj: 8/12, 2/14, 2/16, 11/17 i 7/21), te uzimajući sadašnji ambijent u kojem živimo i u kojem saobraćajna politika zauzima bitno mjesto u funkcionisanju našeg grada u svakom smislu predlažemo novi pravni okvir kojim bi regulisali predmetnu oblast.

Obzirom da se radi o nacrtu Odluke, nakon čega će po istoj biti organizovana i javna rasprava, predlagač i obrađivač su potpuno otvoreni za sve sugestije i primjedbe, kako bi na kraju zajednički došli do što kvalitetnijeg materijala.

O B R A Z L O Ź E N J E P R E D L O Ź E N I H R J E Š E N J A:

Odluka sadrži 12 tematskih cjelina, odnosno podijeljena je u 12 poglavlja, i to:

- I. Opće odredbe - utvrđene su članovima 1. do 3.
- II. Organizacija i regulacija saobraćaja - utvrđena je članovima 4. do 9.
- III. Prvenstvo prolaza - utvrđeno je članom 10.
- IV. Ograničenja i zabrane - utvrđene su članovima 11. do 16.
- V. Zaustavljanje i parkiranje - utvrđeno je članovima 17. do 23.
- VI. Obučavanje kandidata za vozače motornih vozila - utvrđeno je članovima 24. do 25.
- VII. Posebne mjere sigurnosti- utvrđene su članovima 26. do 32.

VIII. Zaštita javnih saobraćajnih površina - utvrđena je članovima 33. do 35.

IX. Posebna tijela za sigurnost i unapređenje saobraćaja - utvrđena su članovima 36. do 37.

X. Nadzor - utvrđen je članovima 38. do 40.

XI. Kaznene odredbe - utvrđene su članovima 41. do 45.

XII. Prijelazne i završne odredbe - utvrđene su članovima 46. i 47.

Zbog obimnosti materije i jasnog pravnog domašaja svakog člana Odluke nije potrebno obrazložiti svaki član pojedinačno ali kroz sam tekst Odluke može se nedvojbeno utvrditi o čemu se u stvari radi i na koji način se planira realizovati.

FINANSIJSKA SREDSTVA:

Za provođenje ove Odluke u Budžetu grada Bosanska Krupa nije potrebno osigurati finansijska sredstva.